

«ЛЫДДЬОЙ МЕНО БОЛЬШЕВИКОН»★

Нёбдинса Витторлөн оломысь некымын серпас

Нёбдинса Витторлөн нимыс талун юргё Коми мулөн медся ылі пельбосьясын, сылысь гижодьясё лыддьоны порысь и том. Но миян пиысь оз быдён тёд, кутшом гирысь сьёкыдлуньяс пыр лон мунны коми гижысьлы, кутшом ыджыд увтыртём уси кольом нэмлөн комынод воясё тайо енбиа мортыслөн пельпом выло. Нёбдинса Витторс нем абусысь мыжалісны национализм пельтомысь, буржуазно-националистической кытыр пырысьяскөд йитөд кутомысь, нощта на контр-революционной удж нуодомысь да 1938 воын пуксьодісны висысь мортто вит во кезлө. Но и тайо отдортомсө на сэкся вир юысьяс лыддьомаос вывті небыдөн. Комиын пукалом бөрас нин, 1943 воо, Виктор Алексеевичос мододоны ылі да кодзыд Сибирё, позьё шуны, вөтлөмон вөтлөны власьтыас коми гижысьос ас муысь. Муса чужанінсысь бокын и лон кувсыны Нёбдинса Витторлы, коть эськө ыджыд гижысьлөн сьёломысь пыр нетшкысис Коми муо, Эжва полон сулалысь сикт-грездьяслань...

Лыддысьысьяслы казтышта, мый көрт таса ошинь сайо дзумгытөдзыс на чина йоз да на дор сулалысьяс кызд вермоны, сідзи и зильоны дойдны висьодчысь мортос. И медводз тодмышкалоны Виктор Алексеевичос ВКП(б) радьясысь. Савин, дерт, водзасис, гижис вылі тшуподас пукалысьяслы уна шыодчөм, висьталіс кывйөн-вомон, мый сійо партия радьясын 1918 восянь да овны-уджавны ВКП(б)-ысь торйон оз вермы. Сэся сөдтө: весиг пö вөтласны кö партиясысь, ме коля большевикон... Татшом кывьяс гижис висьодчысь Нёбдинса Виттор большасянь партиялөн Сыктывкарса горкомö. Дерт, грекыд и Савинлөн вöлі. Мортыд сійо кадö прамöя нин ёртасис курыд зелякөд. Гөгөрвоа-



на, вина-сур дорад сьод вира йоз уна мукөд грек на содтісны. Шуны кö веськыда, енбиа да коми войтырлысь сьёлом бурмодысьос партияон веськөдлысьяс сэки эз кывны. Но оломыд тай быдөны ассыс дон сетö. Сетіс сійо и ставон радейтана Нёбдинса Витторлы...

Помнита, 1988 вонас Коми республикаын кыпыда пасйисны В.А.Савинлөн оломын ыджыд лоомтор-чужомсяныс сё во тырөм. Миянлысь литература кыпөдысь-сөвмөдысьос нимөдісны коми да роч газет-журналысьясын, радио да телевидение пыр. Нёбдинса Витторлөн ярьюгыд олом-вылом да вунөдлытом гижодьяс йылысь юкисны асланыс мөвгыасон чина йоз, коми гижысьяс, литература да история туялысьяс, школаса велөдысьяс, лыддысьысьяс. Вöлі уна аддзысьлом да паныдасьлом Нёбдинса Витторлөн чужанінас, Корткерөсын да республикалөн юркарын... А регыд мысти КПСС обкомлөн бюро артыштис В.А.Савинлысь республикалөн культура да литература пуктом пайсö да бөр шуис артавны Виктор Алексеевичос партия радьясын 1918 восянь. Тайо лоом-

тор йывсысь петалісны гижодьяс «Югыд туй» да «Красное знамя» газетьясын. Коми петасас ме гижлі статьясö, а рочас — нималана журналист да коми литература туялысь Г.В.Беляев. Öти гижөдсö вöлі йөзөдöма 1989 вося юнь 27 лунö, модсö — сійо жö воыслөн юнь 29 лунö.

Мый вöломä, кыз шуласны, бөрö кольöма. Нёбдинса Витторлөн олом-выломын тайо лоомторйыс, гашкö, кодөскö да кодөскö и вөрзöдас да. Оломыд тай быдөнылөн абу öти рöма. Уна рöма вöломä сійо и Виктор Алексеевичлөн...

Александр УЛЬЯНОВ.

Быттьö неважөн на коми йоз пасйисны Виктор Алексеевич Савинлөн чужан лунсянь 100 во тырөм. Муөдз копыртчылісны сылөн сям-вежөрлы, бур кывйөн казтылісны гижодьясё, юргисны кывбурьяс, сыланкывьяс... Висьталісны коми сөветской литературалы подув пуктысьлөн сьёкыд, но сөстөм олан туй йылысь. Төдчөдісны, мый садьмом пармалөн сылысь, коді муніс биа вояс пыр, эскөмон видзөдіс водзö, вöлі Коммунистической партиялөн бур шін...

Вöлі... Абу кокни гижны тайо кывсö Нёбдинса Виттор йылысь. Но колö. Сы вöсна, мый тайо збыльтор, сы вöсна, мед помөдзыс төдны, кутшөма топөдіс мортсö оломыс сійо сьод пемыд воясас, личностылөн культ кадö.

Вöлі... Быдса ветымын куим во «вöлі» кывйыс öшаліс сы ним весьтын, коть эськө быд вежөра морт гөгөрвоис: Нёбдинса Виттор вöлі да нам кезлас кольö — йөзлөн паметын, миян морёсын, вираным — пöсь сьёломä большевикон, коді аслас идеяс вöсна, партия понда, коммис кö, муніс эськө ыгыялысь бипур выло...

В.А.Савин йылысь талун кезлө уна нин гижөма-йөзөдöма. Шензян, кутшом паськыд видзөдласа, ыджыд

вежөра, былысь аддзысь синма вöломä Виттор. И збыль öд, Коми мулөн югыд ко-дзув — голь йөз вöсна төж-дысьысь-пессысь морт, нималана поэт, драматург, сыланкывьяс тэчысь-лөсьодысь. Позьö нощта содтыны: Усть-Сысольской уездной ЧК-са председатель, ВКП(б)-лөн уездной комитетса секретар, «Югыд туй» газетса редактор, коми театр котыртысь... Мый ещö? Сизим челядлөн бать. Коми морт, кодөс 37 воясыс пелөдісны-чегьялісны, но эз сүвтөдны пидзөсчань вылас. Сійо кувсис чужан муысь бокын, ылі Сибирын, коть эськө сьёломысь нетшкысис татчö, миянö:

Муса ёртьясöй!

Кор ме кула,

Дзебöй гажанö:

Гажä нöрысö,

сүс пу улö,

Муса Эжва дінö!

Нёбдинса Витторлөн муза эз вöв вуза. Поэт эз шыблась öтарö-модарö, вöсьталіс-талыліс ассыс туйвизь, коліс комияслөн вежөрын выль ордым лөсьодысьон, сійос писькөдысь-сылысьон...

Но талунья гижөдын висьтыштам Нёбдинса Витторлөн оломын сьёкыд да курыд кад йылысь. Буретш сэки, 1935—1937 воясö, вöля вылын Виктор Алексеевич, позьё шуны, бөрзя здукьяс. Аддзис-ö сійö, мый вöчсö Коми муын,

страна пасьта? Кыліс-ö потлөн сьёломысь Сталин киён вöчөм дойсö? Кысь эз! Буретш öд сійö кадö друг петкөдчысны быд пельбөсын «народлөн врагьяс», пемыд войын нуалісны йөзөс гортсыныс, мыжалісны быдсяма троцкизмысь да национал-шовинизмысь, коть эськө унаөн, торйон нин сиктса войтыр пөвстысь, тайо кывьясö эз и гөгөрволыны...

Но Нёбдинса Виттор, ыджыд вежөра, велөдчөм морт, дерт, аддзис, мый вöчсö странаын, кытчөдз вермас вайөдны «мирса став народьяслөн бать» — Сталинлөн туйвизысь. Сьёломнас, тыдалö, кыліс тшөтш: абу нин ылын сійö кадыс, кор воөдчасны и коми поэтөдз, кутшөмкө войö зөркнитасны сы керка öдзсö. И, дерт жö, татшөм оласногыс, кор морт вузавліс ассыс бур ёртсö, кор районын либö сиктын пуксьөдавлісны медся нималана да пыдди пуктана йөзсö, кодьяс мунлісны революция да гражданской войналөн би пыр, сьёкыд изйөн личкис Нёбдинса Витторлысь сьёломсö. Ог көйы эскөдны лыддысьысьяс, мый буретш комынод воясö Виктор Алексеевич заводітис ёртасны курыд зелякөд. Но сійö кадас Савин вель чорыда кутіс юны. Неважөн «Югыд туй» газетын вöлі йөзөдöма Г.Шуктомовлысь «Комияс сьылöны» гижөд. Вайөда сэ-

тысь неыджыд юкөн, кытысь, думайта да, бура тыдалö, мый вöсна воис татшөм оломөдзыс нималана коми поэт, драматург да публицист. Г.Шуктомов висьталö, мый 1935 вося гожöмын «Коми колхозник» пароход буткис-муніс Эжва катыд. Сэні жö вöломä Нёбдинса Виттор. Пароходон мунысь войтыркөд сійо сылыс коми сыланкывьяс. Автор гижö: «...Сöмын и заводітисны сывыны «Как родная меня мать...», кыськө рулевой рубкасянь В.Савин дорö матыстчис НКВД форма морт да шуис: «Прекрати безобразничать, Виктор Алексеевич, ведь ты прекрасно знаешь, что эту песню петь не рекомендуется. И вообще, собирать массовые сборища...»

Сэки ставон ланьтісны. В.Савин кызкө лонс весиг ичөтджык тушаа. Сылы вöлі яндзим видзөдны йөзлы синмас, да кыв шүтөг муніс аслас каютаö.

Кор пароход воис Нёбдинö, кык матрос чеччөдісны берегö нач код В.А.Савинöс...

Быттьö ичөтик лоомтор, а висьталö унатор йылысь, вежөрад-сьёломäд йиджтысьö...

Дерт, и комынод воясөдз Нёбдинса Виттор юыштавліс, коть эськө здорөвьеыс эз вöв бур. Но кутчысис, гижис-уджаліс зэв яра: öд босьтны кö сылысь творче-

ствосö, унджыкторсö Виктор Алексеевич сяммис вöчны буретш тайо сьод воясөдзыс. Сідзкө, Нёбдинса Витторс эз падмөдлы сур-вина, кор сійо пуксьыліс ручка-перөөн пызан сайö...

Партияö В.А.Савин пыраліс 1918 вося октябрö. 1924 воын партийной характеристикаас пасйöмаось: «...зумыда сулалö партиялөн позицияс вылын, бура кутö асьсö, оз кö сөгчы виналань. Тырмытөмтор — радейтыштö курыд зеля». Комынод вояс шөрөдз Савин кутчысьö на. Но...

1935 вося январ 9 лунö вöлі областной газетьяс-бердса парторганизациялөн собрание, көні видлалісны коммунист Савинлысь оласногсö. Собрание вылын сёрнитысьяс пасйисны: Виктор Алексеевич, коть и сійос бөрьяысь öлөдісны, эз öвсьы, водзö юö-кодалö. Та вöсна коммунистыас шуисны вөтлыны Савинöс партиясы... ВКП(б)-лөн Сыктывкарской горком вынсьөдіс парторганизациялысь решенисö, коть эськө Виктор Алексеевич гижліс сэтчö ассыс шыодчөм. Аслас решениын горком нощта на индіс редакцияса парторганизациялы, мый сійо «эз тырвйöй вöсьт Савинлысь национализмсö».

(Водзö 22 л.б.)

«ЛЫДДЬОЙ МЕНО БОЛЬШЕВИКОН»★

Нёбдинса Витторлөн оломысь некымын серпас

(Заводитчö 21 л.б.)

Но коми гижысь, кодй став оломсö йитис большевикяслөн партиакöд, эскис сылы, мудз тöдтöг тышкасис сылөн идеяс вöсна, эз вермы да эз кöсьы бöрынтычыны. И Виктор Алексеевич шыöдчö Коми обласьтса контрольной комиссияысь партколлегияö. Со мый мортис гижö: «...март 27 лунö (1935 во) ВКП(б) Сыктывкарской горкомлөн бюро вынесöдис решение, код серти менö вöтлiсны партияысь. Лои сiдзи, мый öнi ме ВКП(б)-ысь бокын, кöть эськö вöли сылөн радъясын 16 да джын во, революционной тышлөн да гражданской войналөн медсьöкыд кадас, вöчи кывкутана удж... Быд удж вöчигөн ме некор эг лыддысьлы кадөн, аслам здорвөөн, висьны кутис пытышкöсöй, сьöлöм... Ставис тайö, кыв шутöг, небзьöдiс менсьым характерöс, вöляöс, личöдiс дисциплина, и ме сетчи юмлань, кодi бöрья 3-4 вонас лои висьöм кодбөн. Та вöсна и янсöдiсны менö партияысь...»

Сэсся Виктор Алексеевич корö, мед эз вöтлыны сийöс ВКП(б) радъясысь, гижö, мый вермас на мездасыны висьöмысь, зумыда сулавны партиялөн знамя улын аслас нэм помöдз, честнöя новлöдлыны коммунистлысь ыджыд нимсö. Танi жö Нёбдинса Виттор тöдчöдö, мый аслас гижöдъясын, а творческöя уджалö нин матö 17 во, некор эз паськöдлы-кыпöдлы национал-шовинистической мöвпяяс, кöть эськö Сыктывкарской горкомлөн бюро мыжалö таысь коми гижысьсö...

Миянлы, томъяслы, сьöкыд, дерт, сувтöдны син водзö сийöс кадсö. Ми сийö вояс пöрыс эгö мунлöй. Но бура помнита ассьым бабöс, кодлысь верöссö, менсьым дедöс, таявлöма жö сийö сьöд кадыс. Кор вöли казътыштан баблы 37-öд воясö, быдсөн кывйыс вошлö. Сэтшöма дойыс сьöлöмсö йирыштас. Сидзкö, шуштöм вöлöма кадас, повзöдчана, морт лов босысь. Но и сáки сюрлöмабсь йöз, кодъяс венлöмабсь тайö повзöмсö, думайтлöмабсь абу асланыс юр йылысь, а тöждысьлöмабсь коми войтырлөн аския лун понда, дорйылöмабсь сийö талант-

яссö, кодъяс писькöдöны туйсö став народлы, Горькийлөн Данко моз югзьöдöны йöзлы ордымсö. Асланыс сьöлöмөн, асланыс сöстöм вежөрөн.

Татшöм мортнас, кызди висьталöны архивнöй документъяс, вöлöма тшöтш Андрей Алексеевич Попов (Öльöк Öндрей). Велöдчöма сáки гöрд профессуралөн институтын, вöлöма литераторөн. 1935 вося март 9 лунö сийö гижö Москвасянь ВКП(б)-лөн Коми обкомö со кутшöм письмö: «Меным кывсис, мый В.А.Савинöс вина юм вöсна вöтлöмабсь партияысь. Кыв шутöг, тайö воськолыс принципиальнö веськыд да абу весьшöрö... Но ме век жö кора ВКП(б) обкомöс, медым сийö эз тэрмась вынсьöдны первичнöй парторганизацияөн примитöм решениесö, и со мый вöсна. Савин водзынджык вöчис зэв ыджыд удж коми советской культура сöвмöдöм могысь (та йылысь обкомын тöдöны меысь оз лёкджыка). Колö пуктыны став вын, медым видзны сийöс и öнi, выль этапын, кор Савин йöрмис пельöсö. Сылы колö отсавны, медым кыпöдчис бөр, а партияысь вöтлöмнад тайöс он вермы шедöдны, мöдарö, мортис дзикöдз вошас». Водзö Попов ёрт висьталö, мый бур эськö вöли, удайтчис кö Савинлы бурдöдчыны вина юммысь, шуам, мöдöдлыны сийöс кыгчöкö Москва бердö. Тайö воськолыс пö, помалö Попов, отсалас видзтыны Савинöс и партиялы, и коми культуралы...

Вель дыр кыссис Виктор Алексеевичлөн делöыс. Май 8 лунö вöли ВКП(б) обком бюрöлөн да партколлегиялөн заседание. Сэтчö корлисны тшöтш и Виктор Алексеевичöс. Партия обкомлөн бюро вежис горкомлысь водза решениесö да бөр колис Савинöс партия радъясын. Сэни жö вöли тöдчöдöма, мый поэтöс колö ёнджыка кыскыны творческой уджö, тшöктыны, мед бурдöдчас...

Позьö гөгöрвоны: Виктор Алексеевич кулът кадö, пуксьöдтöдзыс, вöчис-гижис, дерт, кызьöд воясын серти этшаджык. Но кисö крес-талöмөн эз жö дзик пукав. 1934 вонас, кызди ачыс пасйö öти письмöбн, вель унатор на удитöма лöсьöднытэчны. Шуам, уджалöма

«Сыктывкар» поэма вылын, босычöма вуджöдны Островскийлысь «Лес» пьеса, лöсьöдöма челядьлы сыланкывъяса сборник, вöчöма радиокомпозиция, босычöма выль поэмаб, пьесаб... А мыйта вын да сям пуктис коми национальной театр лöсьöдöм-восьтöмö! Тайö öд удж жö, нöшта кутшöм пай коми культура сöвмöдöмö. Дзик кö мортис юмö сетчис, эз жö, тыдалö, ачыс чуж тайö ставыс. Шома юрад гижöдыд некор оз артмы. Э.Хемингуэй на шулис, гижан делöтö пö колö вöчны сöстöм юрөн, кöть ачыс эськö радейтлiс жö курыдтортö да...

1935 вося гождöмын Виктор Алексеевич мунö Москваö, сэсся Кисловодскö. Бурдöдчö вель дыр, ноябр тöлысьöдз. Локтö Комиö, но мортид пыр висьöдчö. Элясь сьöлöм вылас, тыис топлывлö. Сэсся бронхит, полиневрит, неврастения... Куйлö больничаян. Бөр петö, олö гортас. Савинöс видлалö врачяслөн экспертной комиссия. Здоровье сылөн дзикöдз омöльтчöма. Тадзи Виктор Алексеевич, 1936 вося июлын, лöб мöд группаа инвалидөн. И бара шогсö пальöдö курыд зелляөн, бара сьöлöм дойсö бурдöдö сурвинаөн...

Позьö, дерт, мыждыны Савинöс, позьö. Небыд характерысь, ичöт вöляысь, кывкуттöмысь, нöшта мыйыськö. Но колö, тыдалö, сöдз синён видзöдлыны сийö кадся олöм вылас, мöвпыштлыны пыдисянь, гөгöрбок: мый жö йöткалис Савинöс курыд зелляланьыс. Эз öд весьшöрö, думайта да, ю Нёбдинса Виттор. Сэкся оломыс, тыдалö, сьöкыд изйөн личкис Савинлысь сьöлöмсö, тшöктiс кодарöк мунны-сетчыны. Асьныд думыштлöй, мый вöчис гөгöр. Виктор Алексеевич ставсö бура аддзис, кылис сьöлöмнас — регыд и сыöдз воöдчасны. Сэсся Нёбдинса Виттор, кöть и вöли Коми муын нималана гижысьён, олiс гöля. 1936 воын, больничаян куйлигөн, сийö гижö: мундз пö ёна, чой паньид кыпöдчыны (мöд кывйөн кö, гижны) öнi сьöкыд зэв. Тайö пö лои сы вöсна, мый ёна вися, водзö тöдчöдö — нöшта пö оломыс личкö: семья ыджыд, сьöм оз тырмы, патера дзескыд... Виктор Алек-

сеевич нöти оз содтав. Бытнин вöли элясь, кор морттö дзикöдз топöдiс. Таöдз на сийö шыöдчылис Сыктывкарса горсоветö, корис отсöг. Савинлөн семья олiс кык жыръя патераын, йöршитчисны 42 квадратнöй метр вылын. Савинлы сáки сетлисны персональной пенсия 175 шайт, оланiнысь лои мынтыны 27 шайт. А кыс босытан сьöмсö, медым вердны-юктавны челядьöс, пасьтöдны найöс, нöшта патераысь вештысьны? Нёбдинса Витторöс сáки чиршöдлiсны на: вöтлам пö лым вылö ставнытö, он кö вермы мынтысьны оланiнсьыд.

И Савин бара ёртасö курыд зеллякöд, кутшöмакö кодзалö творческой делöясысь. Кöть сийö 1936 вонас уджалiс Коми издательствöын, но унаысь конъясьлис, небзьöдлiс сьöлöмсö курыдторйөн. И кодсюрöлы, дерт, вöли нимкодъ, мый нималана коми гижысь ветлöдлö гажа юрөн, гежöда воывлö партсобраниеяс вылö, öтдортчö уджысь...

1936 вося июль 26 лунö Печать керкаса парторганизация шуис вöтлыны В.А.Савинöс ВКП(б) радъясысь. Виктор Алексеевич, кодi став вын-эбöса оломсö сетiс революция вöсна, вын жалиттöг дорйис партиялысь идеяссö, некызди эз вермы лоны ВКП(б)-ысь бокын. Сийö бара шыöдчö Сыктывкарской горкомö. Корö нöшта öтчыдысь прöститны «антипартийнöй воськолысь», кольныс коммунистяслөн радъясын. Помас содтö: «...А вöтланьид кö партияысь, ме век жö коля беспартийнöй большевикөн сы вöсна, мый татöг оз вермы лоны öнiя эпохаö некутшöм ыджыд удж...» Но Нёбдинса Витторлысь гöлөссö оз кывны. 1937 вося январ 31 лунö ВКП(б) Сыктывкарской горком вöтлö Виктор Алексеевичöс партияысь. Сидзи и гижöма бюрöлөн протоколас: вина юммысь пö да партиялөн делöясысь ордчöмысь-кодзöдчöмысь... Гашкö, колiс Савинсö гөгöрвоны? Кызди творческöя олысь-мöвпалысь поэтöс, драматургöс, публицистöс, нöшта кызкö отсавны сылы, а не вöйтны-пöдтыны? Гашкö, позис на дорйыны Витторöс? Эз, тыдалö. Öд сáки личностьлөн кулът кадас гөгыльтчис нин Савинлань пыр ёнджыка, топöдiс сийöс пемыд пельöсö.

Но Виктор Алексеевич, кызди ачыс шулис, пыр колис «беспартийнöй большевикөн», аслас бöрья кывбурьясас, 1937 воын, гижлис, мый «миянлысь упорство мудз оз таяв, миян вынйöр чорыд — алмаз из, партияным — веськöдлысь страналөн, миян мунан знамя — ленинизм!».

Регыд мысти, 1938 вося июль 7 лунö, Нёбдинса Витторлөн юр весьтын öшйис сьöд кымөр: сийöс мыждiсны «контрреволюционнöй буржуазно-националистической организациякöд йитöдысь, аслас гижöдъясын националистической идеяяс паськöдöмысь, писательясысь организация кысьтöмысь...». Пуксьöдiсны вит во кежлö. Сэсся вит во бöрас понйöс моз вöтлiсны чужан муысь ыли Сибырö. Янсöдiсны челядьсысь, коми йöзысь, муса вөр-ваысь... И öнi на коми войтыр стöча оз тöдны, кöни Нёбдинса Витторлөн гуыс.

Но оломыд мунö водзö, вежö миянлысь видзöдластьяс, ставсö, мый оз лöсяв кадяслөн визувлы, пуктö ас местаас. Важн нин доймис сьöлöмныс Нёбдинса Виттор вöсна республикаысь войнаса да партияса ветеранъяслөн, коми гижысьяслөн, ставныслөн налөн, кодъяслы Савин и öнi кольö югыд кодзулөн. Найö ёна корисны: Виктор Алексеевичöс колö бөр пыргны партия радъясö, выль синмөн, перестройка боксянь донъявны сылысь пайсö Коми му, национальнöй культура сöвмöдöмö. А пайыс тайö пыдöсöдзыс видзöдлытöм на, лючки-бура артыштöм...

* * *

КПСС обкомлөн бюро неважөн бөр шуис артавны Нёбдинса Витторöс партия радъясын 1918 восянь. Сёрныыс Савин йылысь вöли ёсь, веськыд, пыдисянь артыштiсны сылысь и бурсö, и тырмытöмторсö. Збыльмисны Виктор Алексеевичлөн кывъясыс: ме вöли и коля большевикөн, коммунистөн. Быттö талунас видзöдöма Виттор — помасис пемыд войыс, югзис сылөн кодзув...

Александр УЛЬЯНОВ.

* *Петавлöма «Югыд туй» газетын 1989 вося июнь 27 лунö.*